

Oznaka mjere	Jedinica mjere indikatora	Vrijednost indikatora za ukupno očekivane uštede ¹³	Pretpostavke i ulazni podaci za izračun ¹⁴ : (a) ciljnih vrijednosti indikatora za postizanje očekivanih ušteda finalne energije u 2018. godini (b) ukupno potrebnih finansijskih sredstava
			iznosu uštede finalne energije, postignutim realizacijom ove mjere
S.2	PJ ušteda	0,5190	<u>Ulazne pretpostavke za proračun vrijednosti indikatora i iznosa potrebnih finansijskih sredstava (korištene u „Analizi realnosti“):</u> Zbog nepostojanja statističkih podataka o uticaju infrastrukturnih mjera ove vrste na uštedu energije, vrijednost indikatora je jednaka očekivanom iznosu uštede finalne energije, postignutim realizacijom ove mjere

Tabela 37 Ulazni podaci za proračun ciljnih vrijednosti indikatora potrošnje finalne energije

Na osnovu člana 17. stav (3) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", br. 51/17 i 28/18) i čl. 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 146. sjednici održanoj 15.10.2018. godine, donijela je sljedeći

ZAKLJUČAK

- Odobrava se preraspodjela sredstava u Budžetu Kantona Sarajevo za 2018. godinu u iznosu 70.000 KM, i to:
sa razdjela 13 Ministarstva za boračka pitanja Kantona Sarajevo, glava 02, potrošačka jedinica 0001 - **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida**
sa ekonomskog koda:
821100 Nabavka zemljišta
821100 DBX014 082F Otkup zemljišta
za proširenje Spomeničkog kompleksa
Tunel spasa - I faza, Razgraničenja iz
primitaka 59.000 70.000 KM
na razdjel **11010001 Kabinet premijera Kantona Sarajevo**
na ekonomski kod:
614000 Tekući transferi
614200 011F Transferi pojedincima 20.000 KM
614300 011F Transferi neprofitnim
organizacijama 30.000 KM
na razdjel 11 Kabineta premijera Kantona Sarajevo, glava 04,
potrošačka jedinica 0001 - **Neprofitne organizacije i pomoći vjerskim zajednicama**
na ekonomski kod:
615300 Kapitalni transferi neprofitnim organizacijama
615300 BDU001 085F Rekonstrukcija,
adaptacija, sanacija i izgradnja vjerskih
objekata 20.000 KM
- Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".
Broj 02-05-34488-23/18
15. oktobra 2018. godine
Sarajevo
Premijer
Adem Zolj, s. r.

Na osnovu člana 17. stav (3) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", br. 51/17 i 28/18) i čl. 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 146. sjednici održanoj 15.10.2018. godine, donijela je sljedeći

ZAKLJUČAK

- Odobrava se preraspodjela sredstava u Budžetu Kantona Sarajevo za 2018. godinu u iznosu 76.000,00 KM, i to:
sa razdjela 13 Ministarstva za boračka pitanja Kantona Sarajevo, glava 02, potrošačka jedinica 0001 - **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida**
sa ekonomskog koda:
821100 Nabavka zemljišta
821100 DBX014 082F Otkup zemljišta
za proširenje Spomeničkog kompleksa
Tunel spasa - I faza 76.000 KM
na razdjel **21010001 Ministarstvo za obrazovanje, nauku i mlade Kantona Sarajevo**
na ekonomski kod:
614300 Transfer neprofitnim org.
614300 LAN071 094F Transfer za
troškove grijanja Kampusa Univerziteta
u Sarajevu 76.000 KM
- Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".
Broj 02-05-34488-24/18
15. oktobra 2018. godine
Sarajevo
Premijer
Adem Zolj, s. r.

Ministarstvo unutrašnjih poslova

Na osnovu člana 21. stav 2. tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 85. stav 3. i člana 102. stav 3. Zakona o uređenju saobraćaja na području Kantona Sarajevo ("Službene novine Kantona Sarajevo", br. 30/17 i 46/17), ministar Ministarstva unutrašnjih poslova Kantona Sarajevo, u saradnji sa Ministarstvom za obrazovanje, nauku i mlade Kantona Sarajevo, donosi

PRAVILNIK

O USLOVIMA, NAČINU OSPOSOBLJAVANJA, ORGANIZOVANJU I POLAGANJU ISPITA I VOZAČKOJ DOZVOLI ZA VOZAČA TRAMVAJA

I - OPŠTE ODREDBE

Član 1.
(Predmet)

Ovim pravilnikom propisuje se način i uslovi organizovanja ispita za vozača tramvaja, uslovi za sticanje prava upravljanja tramvajem, izdavanje vozačke dozvole za vozača tramvaja, obrazac i sadržaj vozačke dozvole za vozača tramvaja, kategorija

i način upisa kategorije, postupak i način izdavanja vozačke dozvole za vozača tramvaja kao i način vođenja evidencije o položenim ispitima i izdatim vozačkim dozvolama za vozača tramvaja.

Član 2.
(Nadležnosti)

- (1) Postupak organizovanja polaganja vozačkog ispita za vozače tramvaja kao i uslovi za sticanje prava i vođenje evidencija o položenim vozačkim ispitima u nadležnosti je Ministarstva za obrazovanje, nauku i mlade Kantona Sarajevo.
- (2) Postupak izdavanja i zamjene vozačke dozvole za vozače tramvaja kao i vođenje evidencija je u nadležnosti organizacione jedinice Ministarstva unutrašnjih poslova Kantona Sarajevo na čijem području je sjedište pravnog lica koje obavlja javni prevoz lica tramvajem.

II - OSPOSOBLJAVANJE KANDIDATA ZA VOZAČE TRAMVAJA

Član 3.
(Plan i program obuke)

- (1) Kandidat koji želi da se osposobljava za vozača tramvaja i ispunjava uslove iz člana 5. ovog pravilnika za polaganje ispita za vozača tramvaja osposobiti će se za ispit prema Planu i programu obuke za osposobljavanje kandidata za vozače tramvaja.
- (2) Ministarstvo za obrazovanje, nauku i mlade Kantona Sarajevo će u roku od 60 dana od dana donošenja ovog pravilnika donijeti Plan i program iz stava (1) ovog člana.

Član 4.
(Pravno lice za provođenje obuke)

- (1) Provođenje obuke za vozače tramvaja vrši pravno lice koje rješenjem ovlasti Ministarstvo za obrazovanje, nauku i mlade Kantona Sarajevo.
- (2) Na osnovu provedenog osposobljavanja u skladu sa Planom i programom iz člana 3. ovog pravilnika, ovlašteno pravno lice izdaje kandidatu za vozača tramvaja potvrdu o uspješno završenom osposobljavanju, čiji izgled i sadržaj je dat u prilogu broj 1 i čini sastavni dio ovog pravilnika.

III - ISPIT ZA KANDIDATE ZA VOZAČE TRAMVAJA

Član 5.
(Uslovi za vozača tramvaja)

Kandidat za ispit vozača tramvaja mora ispunjavati sljedeće uslove:

- a) da ima najmanje 21 godinu;
- b) da posjeduje vozačku dozvolu za vozača motornog vozila B kategorije, najmanje 3 godine;
- c) da mu u zadnje tri godine nije izricana zaštitna mjera zabrane upravljanja motornim vozilom;
- d) da ima završenu najmanje srednju stručnu spremu, IV stepen;
- e) da je psihički i fizički sposoban za osposobljavanje i polaganje ispita za vozača tramvaja, a što se dokazuje uvjerenjem o zdravstvenoj sposobnosti ne starijem od šest mjeseci;
- f) da je državljanin BiH.

Član 6.
(Ispit za vozače tramvaja)

- (1) Ispit za vozača tramvaja obuhvata polaganje iz:
 - a) teoretskog dijela, koje se polaže putem pisanog testa i
 - b) praktičnog dijela upravljanja tramvajskim vozilom.
- (2) Cijenu polaganja ispita iz ovog člana određuje Ministarstvo za obrazovanje, nauku i mlade Kantona Sarajevo.

Član 7.
(Prijava ispita)

- (1) Prijavu za polaganje ispita za vozača tramvaja kandidat podnosi Ministarstvu za obrazovanje, nauku i mlade Kantona Sarajevo.
- (2) Prijava se podnosi na obrascu koji je dat u Prilogu broj 2 i čini sastavni dio ovog pravilnika.
- (3) Kandidat uz prijavu iz stava (2) ovog člana, prilaže:
 - a) izvod iz matične knjige rođenih,
 - b) potvrdu o završenom osposobljavanju za vozača tramvaja za teoretski dio,
 - c) potvrdu o završenom osposobljavanju za vozača tramvaja za praktični dio,
 - d) ovjerenu kopiju vozačke dozvole,
 - e) uvjerenje o zdravstvenoj sposobnosti ne starije od šest mjeseci,
 - f) uvjerenje Ministarstva unutrašnjih poslova Kantona Sarajevo da u zadnje tri godine nije izrečena zaštitna mjera zabrane upravljanja motornim vozilom ne starije od jednog mjeseca,
 - g) uvjerenje o državljanstvu BiH ne starije od šest mjeseci,
 - h) diplomu o završenoj srednjoj stručnoj spremi,
 - i) lična karta na uvid i
 - j) dokaz o plaćenim troškovima za polaganje ispita.

Član 8.
(Mjesto i vrijeme polaganja ispita)

- (1) Nakon prijave kandidata za polaganje ispita Ministarstvo za obrazovanje, nauku i mlade Kantona Sarajevo procjenjuje da li su ispunjeni svi uslovi propisani Zakonom o uređenju saobraćaja na području Kantona Sarajevo i ovim pravilnikom, te određuje mjesto i vrijeme polaganja ispita o čemu obavještava kandidata i Ispitnu komisiju, i to najkasnije 24 sata prije polaganja ispita.
- (2) Ministarstvo za obrazovanje, nauku i mlade Kantona Sarajevo je dužno da kandidatu koji ispunjava uslove omogućiti polaganje ispita u roku od 30 dana, od dana prijema prijave kandidata.

Član 9.
(Nepristupanje, odustajanje i udaljavanje sa ispita)

- (1) Kandidat koji ne pristupi, u zakazano vrijeme ispitu, ili odustane od polaganja već započetog ispita, smatrati će se da ispit nije položio.
- (2) Kandidat koji ne pristupi ispitu iz poznavanja propisa ili isti ne položi, ne može pristupiti praktičnom dijelu osposobljavanja iz upravljanja tramvajskim vozilom.
- (3) Kandidat ima pravo odgoditi zakazani ispit, najkasnije 24 sata prije početka ispita i bez plaćanja nove naknade za ispit pristupiti polaganju u drugom terminu.

Član 10.
(Teoretski dio)

- (1) Teoretski dio ispita polaže se pred komisijom koju imenuje ministar, a koja se sastoji od predsjednika i dva licencirana ispitivača.
- (2) Ispit se provodi u prostorijama Ministarstva za obrazovanje, nauku i mlade Kantona Sarajevo koje će osigurati uslove za nesmetanu provedbu istog.
- (3) Teoretski dio polaže se pismeno ili pomoću računala, na način da se putem testa koji je pripremio Ministarstvo za obrazovanje, nauku i mlade Kantona Sarajevo, koristeći Katalog testovnih pitanja za vozače motornih vozila koji objavljuje Ministarstvo komunikacija i prometa Bosne i Hercegovine.
- (4) Testovi za polaganje ispita sadrže pitanja sa jednim ili više tačnih odgovora.
- (5) Teoretska pitanja se boduju sa dva boda, znakovi sa tri boda, a raskrsnice sa pet bodova, a u skladu sa podjelom iz Kataloga iz stava (3) ovog člana.

- (6) Test za polaganje propisa sadrži 70 pitanja i ispit traje maksimalno 70 minuta. Kandidat na testu mora postići minimalno 90% od ukupnog broja bodova, koje je moguće osvojiti na ispitu, kako bi položio ispit.
- (7) Za vrijeme trajanja ispita kandidat ne može koristiti nikakvu literaturu ili druga pomagala, ukoliko se test polaže pismeno testovni listić mora popunjavati hemijskom olovkom bez križanja ili prepravljavanja, a u slučaju pogreške popuniti će novi testovni listić što će komisija konstatovati u zapisniku.
- (8) Ocjenjivanje kandidata vrši se ocjenom "položio" ili "nije položio", na zapisniku koji je dat u Prilogu broj 3 i čini sastavni dio ovog pravilnika.
- (9) Kandidat koji ne položi teoretski dio ispita ima pravo uvida u test.

Član 11.

(Uvjerjenje i evidencije)

O položenom ispitu iz teoretskog dijela Ministarstvo za obrazovanje, nauku i mlade Kantona Sarajevo najkasnije u roku od pet dana izdaje uvjerenje na obrascu koji je dat u Prilogu broj 4 i čini sastavni dio ovog pravilnika.

Član 12.

(Praktični dio)

- (1) Praktični dio ispita za vozače tramvaja polaže se pred komisijom koju je imenovao ministar, u čijem su sastavu dva licencirana ispitivača.
- (2) Kandidat prijavljuje Ministarstvu za obrazovanje, nauku i mlade Kantona Sarajevo, polaganje ispita iz praktičnog dijela nakon položenog teoretskog dijela ispita i po okončanju osposobljavanja iz upravljanja.
- (3) Ukoliko kandidat koji položi teoretski dio ispita ne položi ispit iz praktičnog dijela u roku od godinu dana, dužan je ponovno polagati ispit iz teoretskog dijela.
- (4) Ministarstvo za obrazovanje, nauku i mlade Kantona Sarajevo, utvrđuje da li prijavljeni kandidat ispunjava uslove za pristupanje praktičnom dijelu ispita.
- (5) Kandidat prilikom obavljanja ispita isti prilagođava uslovima u kojima se ispit provodi i vozi tako da ne ugrožava ostale sudionike u saobraćaju.
- (6) Ispit neće započeti ako je kandidat pod dejstvom alkohola, droga i lijekovima koji se ne smiju upotrebljavati prije ili za vrijeme vožnje, zatim ukoliko je umoran, bolestan ili takvog psihotjelesnog stanja da nije sposoban sigurno upravljati tramvajem, pri čemu će se smatrati da kandidat nije pristupio ispitu.
- (7) Ispit iz upravljanja tramvajem ispitivač ocjenjuje pomoću obrasca za ocjenjivanje koji sadrži kumulativne i eliminatorne greške koje kandidat ne smije napraviti tokom ispita, a koji je dat u Prilogu broj 5 i čini sastavni dio ovog pravilnika.
- (8) Greške iz obrazca za ocjenjivanje, iz stava (7) ovog člana, se vrednuju od 10 do 100 bodova, a smatrat će se da je kandidat položio ispit ukoliko sakupi manje od 100 bodova.
- (9) Na ispitu iz upravljanja tramvajem pored ispitivača, u tramvaju tokom ispita, obavezno je prisustvo instruktora vožnje tramvaja kojem su pristupačne sigurnosne komande tramvaja.
- (10) Ispitivač će udaljiti sa ispita kandidata i smatrat će se da kandidat nije položio ispit ukoliko:
 - a) ometa rad ispitivača,
 - b) oštećuje imovinu ili materijalna dobra,
 - c) koristi nedopuštena sredstva i
 - d) na drugi način ometa ispit.
- (11) Ispit iz upravljanja tramvajskim vozilom traje minimalno 45 minuta.
- (12) Ocjenjivanje kandidata vrši se ocjenom "položio" ili "nije položio".

Član 13.

(Tok ispita)

- (1) O polaganju ispita za vozača tramvaja vodi se zapisnik dat u Prilogu broj 3 i čini sastavni dio ovog pravilnika.
- (2) Ispitivač koji vodi zapisnik je dužan evidentirati i unijeti u zapisnik sve pogreške koje je kandidat za vrijeme vožnje počinio na ispitu, te iste saopštiti kandidatu za vrijeme ispita ili po okončanju istog u zavisnosti od iskazane želje kandidata.
- (3) Ispitivači odvojeno popunjavaju obrasce za ocjenjivanje upravljanja za vozače tramvaja i smatrat će se da je kandidat položio ispit ako svaki od ispitivača u obrascu evidentira manje od 100 bodova.

Član 14.

(Uvjerjenje i evidencije)

- (1) O položenom ispitu za vozača tramvaja Ministarstvo za obrazovanje, nauku i mlade Kantona Sarajevo najkasnije u roku od pet dana od dana polaganja, izdaje uvjerenje na obrascu koji je dat u Prilogu broj 6 i čini sastavni dio ovog pravilnika.

Član 15.

(Prigovori i žalbe)

- (1) Kandidat ima pravo prigovora na postupak provođenja i rezultata ispita, u roku od tri dana od dana saopštavanja rezultata.
- (2) Prigovor se podnosi pismeno predsjedniku komisije, koji u roku od tri dana donosi odluku, a protiv odluke je dozvoljena žalba Ministarstvu za obrazovanje, nauku i mlade Kantona Sarajevo, koje je dužno istu riješiti u roku od 30 dana.
- (3) U slučaju osnovanosti prigovora, odnosno žalbe, kandidat ponovo polaže ispit bez naknade plaćanja.

IV - VOZAČKA DOZVOLA

Član 16.

(Oblik i sadržaj vozačke dozvole)

- (1) Vozačka dozvola za vozača tramvaja pravougaonog je oblika, dimenzija je 85mm x 55 mm, izrađena na kartonskoj podlozi bijele boje, sa valovitom linijskom podlogom, plastificirana i ima lice i naličje.
- (2) Obrazac vozačke dozvole s prednje strane sadrži: grb Kantona Sarajevo i naslov "Vozačka dozvola za vozača tramvaja", ispod grba u lijevom uglu nalazi se prostor za fotografiju dimenzija 35mm x25mm i prostor za potpis vlasnika vozačke dozvole za vozače tramvaja, desno od fotografije nalaze se rubrike: ime, prezime, datum rođenja i JMB vlasnika vozačke dozvole.
- (3) Obrazac vozačke dozvole s poledine sadrži: Bosna i Hercegovina, Federacija Bosne i Hercegovine, Kanton Sarajevo, Ministarstvo unutrašnjih poslova Kantona Sarajevo, Uprava administracije, Sektor za administraciju (po sjedištu pravnog lica koje obavlja prevoz), datum izdavanja i datum važenja, serijski broj i mjesto za potpis ovlaštenog lica i pečat.
- (4) Izgled i sadržaj vozačke dozvole dat je u Prilogu broj 7 ovog pravilnika i čini njegov sastavni dio.

Član 17.

(Izdavanje vozačke dozvole)

- (1) Vozačka dozvola za vozača tramvaja izdaje se na zahtjev lica koje je položilo vozački ispit za vozača tramvaja.
- (2) Zahtjev za izdavanje vozačke dozvole za vozača tramvaja podnosi se nadležnoj organizacionoj jedinici Ministarstva unutrašnjih poslova Kantona Sarajevo, na obrascu koji sadrži: vrsta zahtjeva (izdavanje, zamjena, produženje), podaci o podnosiocu zahtjeva, i podatke lica na čije ime se izdaje vozačka dozvola: ime i prezime, ime roditelja, datum i mjesto rođenja, državljanstvo, jedinstveni matični broj, adresa, datum polaganja vozačkog ispita, broj vozačke dozvole, potpis podnosioca zahtjeva i popis priloga.
- (3) Izgled i sadržaj zahtjeva iz stava (2) ovog člana dat je u Prilogu broj 8 ovog pravilnika i čini njegov sastavni dio.

Član 18.

(Rok važenja vozačke dozvole za vozače tramvaja)

Vozačka dozvola za vozača tramvaja izdaje se na period od tri godine.

Član 19.

(Potrebna dokumentacija za izdavanje vozačke dozvole)

Uz zahtjev iz člana 17. ovog pravilnika za izdavanje vozačke dozvole za vozača tramvaja prilaže se:

- uvjerenje o položenom vozačkom ispitu za vozača tramvaja,
- uvjerenje o zdravstvenoj sposobnosti za upravljanje tramvajem ne starije od šest mjeseci,
- dvije fotografije koje vjerno prikazuju lik podnosioca zahtjeva dimenzija 33mm x 25 mm,
- lična karta /na uvid /,
- dokaz o uplati propisane naknade za izdavanje obrasca vozačke dozvole za tramvaj.

Član 20.

(Produženje važenja vozačke dozvole)

- Produženje vozačke dozvole za vozače tramvaja vrši se na zahtjev vozača tramvaja kod nadležne organizacione jedinice Ministarstva unutrašnjih poslova Kantona Sarajevo.
- Produženje vozačke dozvole za vozače tramvaja vrši se izdavanjem nove vozačke dozvole za vozače tramvaja, sa rokom važenja propisanom u članu 18. ovog pravilnika.
- Za produženje važenja vozačke dozvole za vozače tramvaja prilaže se: vozačka dozvola kojoj je istekao rok važenja, dvije fotografije dimenzija 35mmx25mm, Uvjerenje o zdravstvenoj sposobnosti za upravljanje tramvajem ne starije od 6 mjeseci, dokaz o uplati nakande i lična karta na uvid.
- Zahtjev za produženje se podnosi na obrascu iz člana 17. stav 3. ovog pravilnika i može se podnijeti 30 dana prije isteka važenosti postojeće vozačke dozvole za vozače tramvaja s tim da se rok važenja računa od datuma izdavanja.

Član 21.

(Zamjena vozačke dozvole za vozače tramvaja)

- Zamjena vozačke dozvole za vozače tramvaja vrši se u slučajevima promjene bilo kojeg podatka sadržanog u vozačkoj dozvoli, izmjene izgleda na fotografiji izdate vozačke dozvole, u slučaju oštećenja, krađe ili gubitka.
- Uz zahtjev za zamjenu vozačke dozvole za vozača tramvaja prilaže se: vozačka dozvola za vozača tramvaja, dokaz na osnovu kojeg se utvrđuje tačnost podatka koji se mijenja, dvije fotografije dimenzija 35mm x 25mm, dokaz o uplati naknade za izradu vozačke dozvole za vozače tramvaja i lična karta na uvid.
- Zamjenjena vozačka dozvola ima rok važenja kao i vozačka dozvola koja se mijenja, izuzev ako je rok važenja manji od godinu dana podnosilac zahtjeva uz zahtjev za zamjenu može tražiti i produženje vozačke dozvole uz prilaganje potrebnih dokaza za produženje.
- Zahtjev za zamjenu vozačke dozvole za vozače tramvaja podnosi se na zahtjevu propisanom u članu broj 17. ovog pravilnika.

Član 22.

(Zamjena inostrane vozačke dozvole za vozače tramvaja)

- Uz zahtjev za zamjenu inostrane vozačke dozvole za vozača tramvaja prilaže se: važeća inostrana vozačka dozvola za vozača tramvaja, prevod ovjeren od strane ovlaštenog sudskog tumača te dokazi iz člana 19. ovog pravilnika pod tačkom b), c), d) i e); kao i ovjerena kopija inostrane vozačke dozvole zamjenjena za vozačku dozvolu Bosne i Hercegovine ako pored kategorija za upravljanje motornim vozilima sadrži kategoriju za upravljanje tramvajem.
- Zahtjev za zamjenu inostrane vozačke dozvole podnosi se na zahtjevu propisanom u članu 17. stav 3. ovog pravilnika.

Član 23.

(Postupak u slučaju nestanka)

- Nestanak vozačke dozvole (gubitak, krađa) za vozača tramvaja prijavljuje se najbližoj policijskoj stanici odmah, a najkasnije u roku od tri dana.
- Nadležna organizaciona jedinica Ministarstva unutrašnjih poslova Kantona Sarajevo za izdavanje vozačkih dozvola za vozače tramvaja rješenjem će poništiti vozačku dozvolu za vozača tramvaja.
- Izdavanje nove vozačke dozvole za vozača tramvaja izvršit će se na lični zahtjev uz koji se prilaže rješenje o poništenju izgubljene odnosno ukradene vozačke dozvole i potvrde o objavi u službenim novinama, dokaz o uplati naknade za izradu vozačke dozvole za vozače tramvaja i lična karta na uvid.
- Zamjenjena vozačka dozvola ima rok važenja kao i vozačka dozvola koja se mijenja, izuzev ako je rok važenja manji od godinu dana podnosilac zahtjeva uz zahtjev za zamjenu može tražiti i produženje vozačke dozvole uz prilaganje potrebnih dokaza.
- Zahtjev za zamjenu vozačke dozvole za vozače tramvaja podnosi se na zahtjevu propisanom u članu broj 17. stav 3. ovog pravilnika.

Član 24.

(Rok za izdavanje vozačke dozvole za vozače tramvaja)

Nadležna organizaciona jedinica Ministarstva unutrašnjih poslova Kantona Sarajevo dužna je da izda vozačku dozvolu za vozače tramvaja u roku od sedam dana od dana podnošenja zahtjeva.

Član 25.

(Naknada i taksa za izdavanje vozačke dozvole za vozača tramvaja)

Naknadu za izdavanje obrasca vozačke dozvole za vozača tramvaja Odlukom utvrđuje ministar, a taksa će se naplaćivati u skladu sa odgovarajućim odredbama zakona koji reguliše oblast administrativnih taksi.

V - EVIDENCIJE O OSPOSOBLJAVANJU, ISPITU I VOZAČKOJ DOZVOLI

Član 26.

(Evidencije o osposobljavanju kandidata za vozače tramvaja)

- Organizator osposobljavanja vodi matičnu knjigu o kandidatima koji se osposobljavaju za vozača tramvaja, koja se čuva kao dokument trajne vrijednosti.
- Matična knjiga sadrži sljedeće podatke:
 - redni broj,
 - prezime, ime jednog roditelja, ime,
 - datum i mjesto rođenja,
 - ljekarsko uvjerenje, datum, broj i naziv ustanove koja ga je izdala,
 - potvrda o završenoj teoretskoj nastavi, datum i broj,
 - potvrda o završenom praktičnom upravljanju tramvajskim vozilom, datum i broj,
 - napomena.
- Ostalu dokumentaciju Organizator osposobljavanja arhivira i čuva deset godina.
- Evidencije se vode u pisanom obliku, a Izgled evidencije je dat u prilogu broj 9 ovog pravilnika.

Član 27.

(Evidencija o položenim ispitima za vozača tramvaja)

- O provedenom teoretskom dijelu ispita i izdatim uvjerenjima kao i o položenom vozačkom ispitu za vozača tramvaja i izdatim uvjerenjima Ministarstvo za obrazovanje, nauku i mlade Kantona Sarajevo vodi evidenciju u obliku registra izdatih uvjerenja i položenim propisima o bezbjednosti saobraćaja za vozača tramvaja i registra izdatih uvjerenja i položenom ispitu za vozača tramvaja koji sadrže:

- a) redni broj,
 - b) prezime, (ime jednog roditelja), ime,
 - c) datum i mjesto rođenja,
 - d) adresa stanovanja,
 - e) datum i broj polaganja ispita,
 - f) potpis
- (2) Evidencije-registri se vode u pisanom obliku i čuvaju se deset godina, a izgled evidencije je dat u prilogu broj 10 i 10a ovog pravilnika i čini njegov sastavni dio.

Član 28.

(Evidencija izdatih vozačkih dozvola za vozača tramvaja)

- (1) Nadležni organ iz člana 2. ovog pravilnika, u okviru svoje nadležnosti, vodi registar i kartoteku o izdatim vozačkim dozvolama za vozača tramvaja koja se čuva kao dokument trajne vrijednosti.
- (2) Registar zahtjeva za vozačku dozvolu za vozača tramvaja se vodi u obliku knjige A-4 formata sa rubrikama koje sadrže sljedeće podatke: redni broj, datum prijema zahtjeva, prezime i ime podnosioca zahtjeva, ime jednog roditelja, datum rođenja, JMB, vrsta zahtjeva (izdavanje, produženje, zamjena), potpis službenog lica i napomena, te se isti zaključuje na kraju kalendarske godine.
- (3) Karton vozača je dimenzija 11cm x17cm i sadrži sljedeće podatke: redni broj, JMB, prezime (ime jednog roditelja) ime, datum i mjesto rođenja, zanimanje, broj vozačke dozvole, da-

tum izdavanja vozačke dozvole, rok važenja vozačke dozvole, naziv organa koji je izdao vozačku dozvolu, datum produženja vozačke dozvole, ograničenje važenja vozačke dozvole; prostor za fotografiju 35mm x 25 mm.

- (4) Zahtjev sa priložima podnesenim uz zahtjev na osnovu kojih je izdata vozačka dozvola za vozača tramvaja se slažu po rednom broju registra i čuva deset godina.
- (5) Organ iz stava (1) ovog člana može voditi elektronsku evidenciju o izdatim vozačkim dozvolama za vozača tramvaja koja je propisana ovim članom, pri čemu bi se registar sastojao od isprintanih dnevnih listova koji bi se na kraju godine ukoričavali i čuvali trajno.
- (6) Izgled i sadržaj Registra i Karton evidencije izdatih vozačkih dozvola za vozača tramvaja dat je u prilogu broj 11 i 11a, ovog pravilnika i čini njegov sastavni dio.

IV - ZAVRŠNE ODREDBE

Član 29.

(Stupanje na snagu i objava)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo",

Broj 01/2-05-5896/18
05. oktobra 2018. godine
Sarajevo

Ministar
Vedran Mulabdić, s. r.

PRILOG BROJ 1

Naziv autoškole: _____
Opština: _____
Broj: _____
Datum: _____

Serijski broj: U 000000
Period osposobljavanja: _____

POTVRDA

O uspješno završenom osposobljavanju iz upravljanja za vozača tramvaja

_____ kandidat za vozača tramvaja rođen _____ godine, sa
(Ime i prezime)
prebivalištem u _____ osposobljavao se u ovoj autoškoli u trajanju od ____
nastavnih časova i uspješno završio obuku iz upravljanja za vozača tramvaja.
Ova potvrda se izdaje u svrhu polaganja ispita iz upravljanja za vozača tramvaja.

Potpis odgovornog lica

M.P. _____

Naziv autoškole: _____
Opština: _____
osposobljavanja:
Broj: _____
Datum: _____

Serijski broj: T 000000
Period

POTVRDA

O uspješno završenom osposobljavanju iz teoretskog dijela za vozača tramvaja

_____ kandidat za vozača tramvaja rođen _____ godine, sa
(Ime i prezime)
prebivalištem u _____ osposobljavao se u ovoj autoškoli u trajanju od ____
nastavnih časova i uspješno završio obuku iz teoretskog dijela za vozača tramvaja.
Ova potvrda se izdaje u svrhu polaganja ispita iz poznavanja propisa o sigurnosti saobraćaja na
putevima za vozača tramvaja.

Potpis odgovornog lica

M.P. _____

PRILOG BROJ 2

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

PRIJAVA

Redni broj registra

Za polaganje ispita za vozača tramvaja

☐	- Poznavanje propisa o sigurnosti saobraćaja na putevima
☐	- Upravljanje tramvajem

Molim da mi se odobri polaganje ispita za vozača tramvaja. O sebi dajem slijedeće podatke:

1	Ime i prezime	
2	Ime jednog roditelja	
3	Datum, mjesto rođenja i JMB	
4	Državljanstvo	
5	Zanimanje	
6	Adresa stanovanja	
7	Broj vozačke dozvole, datum izdavanja, datum važenja i za koje kategorije je izdata	

Uz prijavu prilažem dokumentaciju propisanu pravilnikom i to (zaokružiti priložena dokumenta):

- a) uvjerenje o zdravstvenoj sposobnosti za upravljanje motornim vozilom (original ili ovjerena kopija),
- b) izvod iz matične knjige rođenih,
- c) potvrdu autoškole o završenom osposobljavanju iz poznavanja propisa o sigurnosti saobraćaja na putevima,
- d) potvrdu autoškole o završenom osposobljavanju iz upravljanja tramvajem,
- e) dokaz o plaćenim troškovima za polaganje ispita,
- f) ovjerena fotokopija vozačke dozvole,
- g) prijavu boravka ili potvrdu o kretanju,
- h) kopiju lične karte,
- i) uvjerenje o položenim propisima o sigurnosti saobraćaja na putevima,
- j) uvjerenje da u zadnje tri godine nije izrečena zaštitna mjera zabrane upravljanja motnim vozilom,
- k) diploma o završenoj stručnoj spremi,
- l) ostalo

U Sarajevu, _____ godine

Podnosilac prijave

Popunjava ovlaštena osoba ↓ -----

Na osnovu prijave i priloženih dokumenata, odobrava se kandidatu _____
(Prezime /ime jednog roditelja/ i ime)
polaganje ispita za vozača tramvaja.

Polaganje ispita održat će se dana _____ 20 ____ godine u mjestu Sarajevo sa početkom u _____ sati.

U Sarajevu, _____ 20 ____ godine

Potpis ovlaštene osobe

Službene zabilješke: _____

PRILOG BROJ 3

**ZAPISNIK
O POLAGANJU ISPITA ZA VOZAČA TRAMVAJA**

Prezime i ime kandidata: _____

Dan, mjesec i godina polaganja ispita: _____

A) PROPISI O SIGURNOSTI SAOBRAĆAJA NA PUTEVIMA

Članovi ispitne komisije:

1. Ispitivač _____

2. Ispitivač _____

Broj testa _____, bodova _____.

Ocjena _____

Potpis članova ispitne komisije:

1. Ispitivač _____

2. Ispitivač _____

B) UPRAVLJANJE TRAMVAJEM

Prezime i ime kandidata: _____ dana _____ u _____ sati _____ put
polaze ispit.

Članovi ispitne komisije:

1. Ispitivač _____
2. Ispitivač _____

Radnje koje je kandidat nepravilno izvršio u toku vožnje:

Kandidat upoznat sa ocjenom:

Ocjena _____

Ispit završen u _____ sati.

Potpis kandidata: _____, Potpis instruktora vožnje: _____, Potpis članova ispitne komisije:

1. Ispitivač _____
2. Ispitivač _____

Konačna ocjena _____

Predsjednik ispitne komisije _____



e-mail: mon.@mon.ks.gov.ba, www.mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



PRILOG BROJ 4

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Mjesto:

Serijski broj UVTBS: 0000

Broj:

Datum:

UVJERENJE

o uspješno položenom ispitu iz poznavanja propisa o sigurnosti saobraćaja na putevima

_____ kandidat za vozača tramvaja, rođen/a _____ godine,
(Prezime i ime)

sa prebivalištem u _____ dana _____ godine uspješno je položio/la
(mjesto i adresa)

ispit iz poznavanja propisa o sigurnosti saobraćaja na putevima za vozača tramvaja.

Ovo uvjerenje važi godinu dana od dana izdavanja.

M.P.

Potpis ovlaštene osobe

	e-mail: mon@mon.ks.gov.ba, www.mon.ks.gov.ba Tel: + 387 (0) 33 562-128, Fax: + 387 (0) 33 562-218 Sarajevo, Reisa Džemaludina Čauševića 1	
---	--	---

PRILOG BROJ 5

OBRAZAC ZA OCJENJIVANJE UPRAVLJANJA ZA VOZAČA TRAMVAJA*

Mjesto: _____, Datum: _____

Ime i prezime kandidata _____

Početak ispita _____ sati, Završetak ispita _____ sati,

	Broj bodova	Evidentirano (označiti)	Ukupan broj bodova	Dodatni opis greške kandidata:	Broj evidentiranih greški kandidata (označiti)
PRIPREMA ZA VOŽNJU					
1. Korištenje opreme vozila	10				
2. Postupak startovanja vozila	10				
3. Provjera da li su zatvorena sva vrata na vozilu	50				
4. Provjera signalnih i kontrolnih uređaja	10				
5. Ne upotrebljava vanjsku i unutrašnju rasvjetu	30				
UKLJUČIVANJE VOZILOM U SAOBRAĆAJ					
6. Polazi sa mjesta trzanjem	20				
7. Odugovlači trenutak uključenja u saobraćaj, neodlučan	20				
VOŽNJA U SAOBRAĆAJU					
8. Izazivanje neposredne opasnosti u saobraćaju zbog koje je drugi učesnik u saobraćaju primoran preduzeti neku od izbjegavajućih radnji,	100				
9. Pogrešna upotreba komandi vozila u pokretu (neželjena promjena pravca kretanja, naglo kočenje, nepotrebno zaustavljanje vozila kojim je izazvana opća opasnost)	100				
10. Intervencija instruktora vožnje na taster sigurnosne kočnice ili bilo koji oblik intervencije ili sugestije koja utiče na način vožnje i tok ispita	100				
11. Ne zaustavlja tramvaj kada naide na obilježeno vozilo kojim se prevoze djeca kada je to vozilo zaustavljeno pored tramvajske pruge (pri izlazu i ulazu djece)	100				
12. Oduzimanje prvenstva prolaza drugim vozilima koja se kreću putem sa pravom prvenstva prolaza	100				
13. Ne propušta pješake koji stupaju ili su stupili na obilježeni pješački prijelaz	100				
14. Ne smanjuje brzinu kretanja prilikom prolaska pored djece koja se igraju na kolovozu ili neposrednoj blizini kolovoza	100				
15. Ne propušta slijepce i invalidne osobe koje stoje na ivici kolovoza sa izraženim znakovima za prelazak preko kolvoza	100				
16. Prilikom prolaska pored drugih vozila koja su zaustavljena ili parkirana na kolovozu nije se uvjerio pogledom u odgovarajuće retrovizore ili vidnim pokretom glave, da radnju može započeti	100				
17. U toku ispita neprilagođenom vožnjom ometa ostale učesnike u saobraćaju	100				
18. Ne postupa po zahtjevu ispitivača jedan put (nije izvršio radnju koju je dobio kao zadatak u toku ispita)	100				

[illegible]

OSTALE GREŠKE											
54.											
55.											

* Za ocjenu jedne saobraćajne situacije može se evidentirati samo jedna greška koja najviše odgovara opisu situacije.

Broj bodova: _____

Potpis ispitivača

PRILOG BROJ 6

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Serijski broj VT 0000

Mjesto:

Broj:

Datum:

UVJERENJE

o položenom ispitu za vozača tramvaja

_____ rođen/a _____ godine, sa prebivalištem
(Prezime i ime)

u _____ položio je dana _____ godine
(mjesto i adresa)

ispit za vozača tramvaja.

Ovo uvjerenje izdaje se radi izdavanja dozvole vozača tramvaja, te se u druge svrhe ne može koristiti.

M.P.

Potpis ovlaštene osobe

	e-mail: mon@mon.ks.gov.ba, www.mon.ks.gov.ba Tel: + 387 (0) 33 562-128, Fax: + 387 (0) 33 562-218 Sarajevo, Reisa Džemaludina Čauševića 1	
---	--	---

PRIOLOG BROJ 7

VOZAČKA DOZVOLA ZA VOZAČA TRAMVAJA



1. IME:

2. PREZIME:

3. DATUM ROĐENJA:

4. JMB:

PROSTOR
ZA
FOTOGRAFIJU

5. POTPIS

BOSNA I HERCEGOVINA FEDERACIJA BOSNE I HERCEGOVINE KANTON SARAJEVO MINISTARSTVO UNUTRAŠNJIH POSLOVA KANTONA SARAJEVO UPRAVA ADMINISTRACIJE SEKTOR ZA ADMINISTRACIJU		6. DATUM IZDAVANJA:	POTPIS OVLAŠTENOG LICA
		7. DATUM VAŽENJA:	
		8. SERIJSKI BROJ:	
1. IME	2. PREZIME		M.P.
3. DATUM RODENJA, MJESTO			
4. JMB			
5. POTPIS			
6. DATUM IZDAVANJA			
7. DATUM VAŽENJA			
8. SERIJSKI BROJ			

PRILOG BROJ 8

IME I PREZIME	
PREBIVALIŠTE	
ADRESA I BROJ	
KONTAKT TELEFON	

MINISTARSTVO

UNUTRAŠNJIH POSLOVA KANTONA SARAJEVO

Uprava administracije

Sektor za administraciju _____

PREDMET: ZAHTJEV ZA IZDAVANJE VOZAČKE DOZVOLE ZA VOZAČA TRAMVAJA

Podnosim zahtjev za vozačku dozvolu za vozača tramvaja.

Vrsta zahtjeva: a) izdavanje; b) zamjena; c) produženje; d) nestanak;

U tu svrhu o sebi dajem slijedeće podatke:

1.	Ime i prezime	
2.	Ime jednog roditelja	
3.	Datum i mjesto rođenja	
4.	JMB	
5.	Državljanstvo	
6.	Adresa prebivališta	
7.	-Kategorija vozačke dozvole za motorno vozilo -nadležni organ izdavanja -serijski broj vozačke dozvole	
8.	Da li je podnosiocu zahtjeva izrečena zaštitna mjera zabrane upravljanja motornim vozilom, u posljednje tri godine?	

Uz zahtjev prilažem slijedeće:

1. Uvjerenje o položenom vozačkom ispitu za vozača tramvaja;
2. Ljekarsko uvjerenje/ne starije od 6 mjeseci/;
3. Dvije fotografije /30mmx35mm/
4. Identifikacioni dokumenat /na uvid/;
5. Dokaz o uplati propisane naknade za izdavanje obrasca vozačke dozvole za tramvaj

Mjesto: _____

Datum: _____

Potpis podnosioca zahtjeva

MATIČNA KNJIGA ZA _____ GODINU _____

[illegible][illegible]

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

PRILOG BROJ 10

REGISTAR

IZDATIH UVJERENJA I POLOŽENIM PROPISIMA O BEZBJEDNOSTI SAOBRAĆAJA ZA VOZAČA TRAMVAJA

[illegible]

PRILOG BROJ 10A

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

REGISTAR

IZDATIH UVJERENJA I POLOŽENOM ISPITU ZA VOZAČA TRAMVAJA

[illegible]

PRILOG BROJ 11

REGISTAR ZAHTEVA ZA VOZAČKU DOZVOLU ZA VOZAČA TRAMVAJA

[illegible]

PRILOG BROJ 11A

redni broj registra vozača

KARTON VOZAČA TRAMVAJA

Prezime i ime	ime roditelja
datum i mjesto rođenja	JMB
zanimanje	broj vozačke dozvole
datum izdavanja	rok važenja
naziv organa koji je izdao vozačku dozvolu	

prostor za fotografiju

produženje važenja vozačke dozvole

produženo važenje do	potpis
produženo važenje do	potpis
produženo važenje do	potpis
produženo važenje do	potpis
produženo važenje do	potpis

ograničenje važenja vozačke dozvole

--